

UGOVOR

za nabavku usluga osiguranja imovine

zaključen između:

USTAVNI SUD BOSNE I HERCEGOVINE, Reisa Džemaludina Čauševića 6/III, Sarajevo, koga zastupa predsjednik Ustavnog suda BiH, Zlatko M. Knežević, (u daljem tekstu: Osiguranik)

i

TRIGLAV OSIGURANJE DD, Dolina br. 8, Sarajevo, koga zastupa Edib Galijatović, direktor (u daljem tekstu: Osiguravač)

Član 1.

Predmet ovog ugovora je pružanje usluga osiguranja imovine za potrebe Ustavnog suda Bosne i Hercegovine, prema definisanim uslovima iz tenderske dokumentacije broj SU-08-240-4/21 od 11. februara 2021. godine i prema sadržaju ponude broj 08-20061/21 od 22. februara 2021. godine sa kojom je Osiguravač učestvovao u provedenom postupku konkurentskog zahtjeva za dostavljanje ponuda i rezultatima održane e-aukcije.

Pod imovinom se podrazumijevaju stalna sredstva i oprema Osiguranika, koji se vode u knjigama Osiguranika.

Član 2.

Obaveze ugovornih strana regulisane su uslovima, koji su sastavni dio ovog ugovora, i to:

- 1) Opšti uslovi za osiguranje od požara i nekih drugih opasnosti (civil i industrija) uključivo izliv vode iz vodovodnih i kanalizacionih cijevi i grejnih tijela, prodor oborinskih voda s krova
- 2) Opšti uslovi za osiguranje mašina od loma.

Član 3.

Ugovor se zaključuje na određeno vrijeme, za period trajanja osiguranja od 12 mjeseci.

Član 4.

Ukupna premija osiguranja Osiguravača iznosi 2.490,00 KM i definisana je nakon e-aukcije. Polica osiguranja se plaća u dvanaest (12) jednakih mjesečnih rata.

Član 5.

Osiguranik će račun ovjeren od strane Osiguravača za usluge osiguranja proslijediti na plaćanje posredstvom jedinstvenog računa budžetskih institucija Bosne i Hercegovine, putem Ministarstva finansija i trezora BiH, najkasnije u roku od 30 dana po prijemu fakture bez primjedbi.

Osiguravač je saglasan da Osiguraniku neće zaračunavati kamate za zakašnjenje prilikom plaćanja preko Trezora, ako je Osiguranik u gore ugovorenom roku predao nalog za plaćanje Trezoru BiH.

Član 6.

Osiguravač se obavezuje da će čuvati tajnost podataka Osiguranika koji mu budu prezentirani prilikom ocjene i revizije rizika, prilikom zaključivanja polica osiguranja, rješavanja odštetnih zahtjeva kao i tajnost podataka koji budu uneseni u police osiguranja i njihove priloge.

Osiguranik se obavezuje da će čuvati tajnost podataka iz Tarifa premija i Uslova osiguranja Osiguravača, kao i uslove pod kojima je zaključio ovaj ugovor i police osiguranja, a naročito u odnosu prema drugim osiguravajućim društvima.

Član 7.

Kada se dogodi osigurani slučaj, Osiguravač je dužan isplatiti naknadu iz osiguranja najkasnije u roku od 7 dana od dana kompletiranja dokumentacije.

Član 8.

Sastavni dio ovog ugovora osim ponude navedene u članu 1. čine:

1. police osiguranja,
2. opšti uslovi za osiguranje od opasnosti požara i nekih drugih opasnosti (uključivo izliv vode iz vodovodnih i kanalizacionih cijevi i grejnih tijela, prodor oborinskih voda s krova),
3. opšti uslovi za osiguranje mašina od loma.

Član 9.

Na odnose između ugovornih strana koji nisu uređeni ovim ugovorom primjenjuju se odredbe Zakona o obligacionim odnosima u BiH.

Član 10.

Sve eventualne sporove ugovorene strane će nastojati riješiti sporazumno, u duhu dobrih poslovnih odnosa i uzajamnog povjerenja.

Ukoliko se sporazumno rješenje ne postigne, nadležan je Sud Bosne i Hercegovine u Sarajevu.

Član 11.

Ugovor stupa na snagu danom potpisivanja od strane ovlaštenih lica ugovornih strana.

Član 12.

Ovaj ugovor je sačinjen u četiri (4) istovjetna primjerka od kojih svaka strana zadržava po dva (2) primjerka.

Za Osiguravača


Edip Galijatović



Direktor

Za Osiguranika

Zlatko M. Knežević



Predsjednik
Ustavnog suda Bosne i Hercegovine

Broj: CS-844/16

Datum: 18. 03. 2021.

Broj: SU-08-240-11/21

Datum: 17. mart 2021. godine